


古今女史 前集 十一之十二終



				漢書門
		一一一		
八	三	八	二	
冊	架	函	號	類

內閣文庫			
三			漢
三			書
三	八	二	
架	冊	號	類

內閣文庫			
番號	漢	111.2	
冊數	8 (5)		
函號	262	70	



新刻古今女史卷十一

淺草文庫

武林

趙世杰問奇

選輯

錢塘

吳 暘旭如

參訂

唐高宗天皇大帝哀册文

武后唐

維弘道元年歲次癸未十二月甲寅朔四日丁巳大
行天皇崩於洛陽宮之貞觀殿殯於乾元殿之西階
粵以文明元年五月壬午朔十五日丙申發自漣洛
旋於鎬京以其年八月庚辰朔十一日庚寅將遷座
于乾陵禮也曉霧收碧晨霞泛舟庭分羽衛碑啟龍

古今女史 卷十一 一
攢。哀。子。嗣。皇。帝。輪。攀。訴。容。車。裂。號。晨。殿。悲。蜃。輅。之。空。
巖。感。鳳。樽。之。虛。薦。擗。標。糜。潰。充。窮。殞。裂。剡。思。攀。而。還。
迷。羸。喘。興。而。復。絕。俯。帷。煢。懇。荼。毒。交。侵。瞻。白。雲。而。茹。
泣。望。蒼。野。而。摧。心。愴。遊。冠。之。日。遠。哀。墜。劍。之。年。深。淚。
有。變。于。湘。竹。恨。方。纏。于。穀。林。念。茲。孤。幼。哽。咽。荒。襟。腸。
與。肝。而。共。斷。憂。與。痛。而。相。尋。顧。慕。丹。檻。迴。環。紫。掖。撫。
眇。嗣。而。傷。今。想。宸。顏。而。慟。昔。寄。柔。情。于。蘭。素。播。天。聲。
于。金。石。其。詞。曰。
月。瑤。誕。慶。雲。丘。降。祥。仙。源。漢。遠。聖。緒。天。長。繞。樞。飛。電。

麗。室。騰。光。烏。庭。開。象。龍。德。含。章。六。藝。生。知。四。聰。神。輝。
晦。迹。登。序。韜。光。齒。冑。綴。玉。詞。條。緝。瓊。文。圃。發。揮。綠。錯。
牢。籠。紫。宮。鑑。苻。敦。敏。量。本。疏。通。賓。門。表。譽。納。麓。彰。功。
始。潛。朱。邸。或。躍。青。宮。夏。余。欽。德。周。頌。傾。風。粵。自。銅。闈。
虔。膺。寶。命。惠。霑。動。植。信。洎。翔。泳。淳。化。有。孚。至。仁。無。競。
教。溢。璇。寓。道。光。金。鏡。五。龍。開。運。六。羽。昇。年。西。雲。應。呂。
南。風。散。絃。晷。符。羲。日。蔭。廣。堯。天。賁。園。旌。士。焚。林。蓋。賢。
濬。明。上。格。財。成。下。濟。問。寢。承。親。在。原。申。悌。戒。盈。茅。宇。
蠲。奢。土。砌。衢。室。禋。宗。雲。門。饗。帝。以。聖。承。聖。資。明。嗣。明。



禮崇殷夏。樂尚咸英。時和俗泰。天平地成。未同文軌。長垂頌聲。德動乾符。威清地紀。澄氛禩穴。掃氛濛汜。推轂六師。坐知千里。亭毒寰縣。瑩鏡圖史。霜戟林聳。月旗雲亘。壘鼓蕭關。鳴笳松嶺。追涼冰殿。避暑山楹。霞翻浪井。樹響層城。務簡通三。疑神得一。玄池肆賞。青丘停逸。訪道順風。養真乘日。拜牧襄野。尊師石室。寶獻河宗。賚歸王會。浮毳交影。飛輪繫轡。雲封薦欵。日觀申虔。告成七廟。歸功九天。無事無為。爰遊爰豫。骨域延想。汾川滌慮。儀鳳巢阿。飛麟在馭。火樹歸劍。

獨鄉移暉。所冀玄壽。齊年紫皇。禋典旅館。災纏未央。遽脫屣于宸極。奄乘雲于帝鄉。旦天維而落構。匝日寓而沉光。殉百身而靡贖。積萬苦而徒傷。魂銷志殞。裂骨抽腸。受玉几之遺顧。託寶業于窮荒。嗣君孝切。諒閣居喪。荷大務于殘喘。積衆憂于未亡。所以割深哀而克勵。力迷矜而自強。嗚呼哀哉。浹挺遇密。綿區編素。恨鈞天之不歸。瞻鼎湖以凝慕。嗚呼哀哉。攀聖滋遠。戀德滋深。訴昊穹而雨泗。擗厚載而崩心。泣人靈而灑悲。霏晦宇宙而起愁。陰嗚呼哀哉。緹瑄移序。

古今文苑 卷十一 三
朱明應律。蛩竄方營。龜謀獻吉。背九洛而移馭。係八
川而從蹕。列璧羽之逶迤。動鍾挽之簫瑟。顧園邑之
蒼翠。望巖墀之紆鬱。喬陽之鳥不追。茂陵之書方出。
嗚呼哀哉。跡圖懸圃。神降長流。去重陽之奕奕。襲大
夜之悠悠。同霸瑩之薄寔。契紀屢而莫修。思山門于
夕月。悲隴樹于新秋。嗚呼哀哉。想軒駕之攀龍。思予
山之奕鳳。矧承眷于先房。誓牽毀而哀送。豈謂務切
丕基。事違深倥。仍徇公而抑已。遂奪情以從衆。悲千
罔極之悲痛。萬終天之痛。嗚呼哀哉。恭惟聖烈。實鑠

徽衷。敬因彤管。載撰玄功。業彌遙而道彌著。時益遠
而聲益隆。播二儀而不極。橫四海而焉窮。嗚呼哀哉。
丘毛伯曰。綴玉緝瓊。六朝得意之筆。

祭夫徐敬業文

梁劉令嫻

徐敬業妻

維梁大同五年新婦謹薦少牢於徐府君之靈曰惟君德爰禮智才廉文雅學比山成辯同河瀉明經擢秀光朝振野調逸許中聲高洛下含潘渡陸超終邁賈二儀既肇判合始分蘭賢依德乃隸夫君外治徒奉內佐無聞幸移蓬性頗習蘭薰式傳琴瑟相酬典墳輔仁難驗神情易促電碎春紅霜雕夏綠躬奉正衾親觀啓足一見無期百身何贖嗚呼哀哉生死雖殊情親猶一敢遵先好手調薑橘素俎空乾奠觴徒

溢昔奉齊眉異於今日從軍暫別且思樓中薄遊未
反尚比飛蓬如當此訣永痛無窮百年何幾泉穴方
同。

陳眉公曰劉令嫻孝綽之第三妹也孝綽三妹並
有才學令嫻文尤清拔適東海徐悱悱為晉安
郡卒喪還建業製祭文辭甚悽愴父勉本欲為
哀辭及見此文乃閣筆蕭韶稱劉孝儀諸妹文
彩艷質甚於神人也
趙問奇曰語短而哀痛甚長不堪多讀

祭夫葉天彝文 江錢娘

于惟君子實有可悲。幼曾牽幙長擬結綯如何至此。
○可○憐○可○恨○
天傾地移生與君無半枕之歡死與君擬同穴之期。
○可○憐○可○恨○
蓬室寂寂梅帳淒淒鴛衾夢斷鶴駕踪馳霜華冷戶。
月凉浸扉風號露泣景是人非空有織手莫縫君衣。
空有鬢髮莫與君齊空有孟案莫奉君卮空有頽顏。
莫侍君幃君有老母其誰與依君無嗣子其誰與繼。
高堂奉事妾願為之幽窗苦節妾願守之君含笑入。
地下妾尚何以人為嗚呼昔何緣今天作合今何誓。
○更○苦○切○

屋無半枕
死有全義
可謂貞節

新出真情
誦之無不
心楚



古今女史 卷一 元
今鬼難欺。柏舟兮泛泛。薤露兮萋萋。金堆兮君掩骸。
銀粟兮我減肌。白日兮如駒隙。綠窗兮損蛾眉。今夕
兮不知何夕。少時兮一如老時。縱有慙情兮莫酬契。
闊從自摧傾兮莫爾支持。海流不竭兮淚流山石難。
崩兮誓語庭月兮照予懷。予懷兮與君知。

李于鱗曰：錢娘者，婺源江基之女也。幼許聘葉氏。
子天彝，天彝物故，錢娘聞訃，卽易服往其家親
祭之。自誤哀詞，朝夕奠哭于靈前，遂不肯歸母
家。營造雙壙，以期同穴。事姑以孝謹聞。姑沒，盡

哀喪葬如禮。脫遭家產蕩析，攻針繡以自給。親
族憐而饋之，皆却不受。常坐一木龕，不踰戶閤。
者數十年。爲遠近處子師，授以工容及誥孝順
節義等事。聞者興起。士論稱爲女中夫子。狀聞
詔旌表貞女之門。
袁中郎曰：泣訴心情似無意。翰墨然情真語至。讀
之覺有悲風從窻縫中入。他人安能蹈隻字。

古今事類

祭嫂楊孺人文

楊氏明

念其生平

嗚呼哀哉自我亂年得奉嫂氏名家之秀亦既任只
 孝奉二親兼善我兄深愛婉儀洽於家庭古稱彤管
 寔惟靜女嫂也學書動弗踰矩我兄才俊壯游于京
 脫穎邑庠卒業國黌壯志既開輕彼家室嫂也敬慎
 持家有律三十餘年什七在游惟嫂之託故無內憂
 既警雞鳴復歌樛木室也無尤蒸蒸和睦嫂育二姪
 他亦如之未及冠年咸業詩書或賓泮水或試曹掾
 籍名大府皆為俊彥我兄晚歲授職署郎待選銓曹

鬼其內助

古今事類

卷十一 祭文

八

遂歷十霜嫂也持家益嚴其軌閨門整肅故舊日起
兄宦成都未及告歸從守來朝遂卒京畿熒熒靈輻
千里返葬嫂也見之心驚魂喪蹉跎六載家業漸頽
幸有我侄得與計借雖云策名寔在京國我嫂甘旨
供亦未得我頃過浙拜嫂于堂鶴髮星星漸入衰鄉
所可喜者尚健於食庶幾少延大命未迫何其別後
甫踰半年暫疾無何遂喪黃泉囊空無資鬻宅以殮
傷哉諸子徒聞寢苦人來謂我我淚如縻中心戚傷
如匪澣衣乃率兒曹撫棺一哭兄也何之在彼山麓

悲其無祿

陳眉公曰楊氏仁和人孫文恪公繼室也幼聰慧
習古文能詩賦舉筆成章不暇思索及嫁母儀
婦道俱備生子三俱手自教習成名長鑰天官
郎次銓侍讀次錡登進士
周介生日數出許多傷心處應以玉垂壺盛淚
沈自玉曰行文如岳家軍紀律嚴肅

[Faint bleed-through text from the reverse side of the page]

西語便得
歸道之正

羅叙亦有

祭夫濮公文

鄒賽貞 明

嗚呼哀哉。嗚呼痛哉。惟我與君。早為夫婦。合志同心。
期大門戶。君志四方。我聊內助。蚤歲迤邐。中年雲路。
發軔曹庠。師儒碩傳。教法蘇湖。清白亦固。養子岐嶷。
一經早附。子北父南。參商幾度。幸見京闈。天荒一破。
我君共喜。達旦而坐。自念平生。遭逢屢蹉。衮衮諸公。
二郎必做。歲之丙辰。果中科甲。玉堂金馬。子壻聯珂。
君陞東萊。京師順過。父子壻女。團樂咸和。洽然內集。
綵服婆娑。匆匆宦况。復爾奔波。中州持衡。英才網羅。

古今類事 卷十一 祭文

此段所言
甚盛轉落
下凄楚難
關

至之語
不由天設

詞意亦凄
亦媚

四。藩。文。主。公。道。維。多。庚。申。之。春。應。詔。而。起。寒。谷。春。陽。
恩。例。不。次。父。子。同。朝。天。倫。篤。至。豈。料。季。兒。殤。於。此。際。
傷。割。之。悲。淚。竭。心。灰。猶。賴。長。兒。慰。我。愁。懷。盤。餐。日。侍。
杖。履。追。陪。噫。承。平。頗。穩。禍。葉。將。媒。君。轉。美。官。南。冑。繩。
愆。故。鄉。只。尺。擬。拜。墓。阡。獨。嗟。父。子。恩。愛。纏。綿。卜。日。啓。
行。中。秋。月。圓。舟。楫。而。南。速。抵。江。嶺。賤。任。弗。及。背。瘡。伏。
虎。欲。奔。家。園。風。波。故。阻。瘴。後。跋。前。誰。能。我。顧。君。猶。命。
我。移。入。官。署。湯。藥。親。嘗。精。神。無。異。執。手。不。言。尚。冀。疾。
愈。禍。變。不。測。竟。成。長。逝。嗚。呼。哀。哉。嗚。呼。痛。哉。君。骸。我。

收。君。柩。我。撫。北。都。病。兒。南。奔。哀。苦。鞠。樞。歸。鄉。聊。遂。安。
妥。近。郭。僧。房。謹。奉。香。火。豈。料。吾。兒。尋。亦。寢。疾。茹。苦。抱。
痛。瞋。眩。無。益。晨。猶。在。床。暮。已。在。簣。嗟。我。勸。傷。五。內。禿。
裂。嗚。呼。哀。哉。天。胡。不。仁。而。致。我。於。此。極。哉。二。人。父。子。
偉。偉。乎。英。才。堂。堂。乎。奇。魂。天。胡。奪。之。速。而。相。繼。為。塵。
埃。耶。橋。門。翰。苑。官。秩。不。殊。而。儼。乎。其。仙。境。也。何。夢。幻。
遙。邈。而。不。得。畫。錦。於。鄉。閭。也。嗚。呼。哀。哉。痛。哉。我。為。君。
婦。四。十。餘。載。百。年。之。期。歲。月。不。待。憶。昔。清。閨。八。咏。有。
在。今。逢。逆。境。三。從。誰。賴。嗚。呼。哀。哉。幸。我。婿。女。遠。來。治。

古今文苑 卷十一 一 癸文

賈貞懇苦
已極未段
應當如此
所為

喪爰擇佳城。金山之陽。仲冬甲申。維辰之良。雙旌發
。○ 勒。玉。骨。斯。藏。潛。德。不。磨。天。符。共。佩。父。子。並。穴。泉。臺。永
○ 賁。慈。孝。相。憐。死。生。一。致。嗟。我。悲。哀。苦。生。人。世。尚。與。我
○ 靈。陰。佑。俾。家。不。墜。俾。孫。有。成。一。門。餘。慶。指。日。復。興。靈
○ 柩。俯。伏。血。淚。如。傾。蘋。蘩。侑。奠。清。酒。在。樽。靈。其。不。昧。鑒
○ 此。哀。忱。三。獻。殯。官。永。別。千。春。嗚。呼。哀。哉。

朱素衣曰以賽貞之懿德才能使其服章美列縉
紳固宜掉鞅文苑為天下奇男子

祭訖見文

鄉賽貞

明

爾之亡矣。倏忽一年。日月易邁。幽冥杳然。思爾音容
○ 淚。如。潺。湲。入。爾。書。室。塵。埋。几。筵。殘。書。斷。簡。觸。目。心。煎
○ 人。亡。物。在。此。恨。誰。憐。嗚。呼。哀。哉。見。邪。母。自。戊。戌。生。爾
○ 頗。見。岐。嶷。汰。沙。得。金。中。心。自。喜。父。母。鍾。愛。兄。姊。憐。恤
○ 方。能。言。行。育。養。以。正。教。讀。四。箴。即。能。領。訓。枕。畔。膝。前
○ 泠。泠。聲。誦。嗟。惟。斯。時。父。運。尚。蹇。遭。家。多。難。省。祖。回。鄉
○ 數。月。遷。延。祖。病。於。牀。祖。病。甫。愈。便。欲。束。裝。殆。至。南。京
○ 毒。發。背。瘡。於。時。母。携。爾。輩。遠。處。帝。鄉。獨。身。操。持。艱。辛

愛之
復真

古今如史
備嘗念爾幼弱擔我心慮晨興保無虞於夕息日夕
保無慮於再旦撫摩愛養望爾成人幸而父病愈北
上癸卯之歲適中大比仍遭祖喪合家南還守制故
里我於斯時欲擇爾配周詢密訪殊無可意自揆有
見患無佳配憐之寶之事亦未遂嗚呼哀哉殆至丁
未爾父任官曹南爾方十歲挾於官邸切磋琢磨勤
勞教誨日侍家庭所親經義里巷之語鄭衛之音皆
不令接之於耳如此者蓋欲養爾性情端爾器識以
成大望也嗚呼哀哉彼歲己酉爾兄發解京闈春榜

未遇省祭南歸復為爾推姻事乃得故族謝氏之女
父母議之甚為相當遣使齋書文定厥祥繼當丙辰
爾父官滿念爾長成議畢姻娶挾家南行為我馳驅
舟車水陸冰霜崎嶇歲暮親迎喜動庭幃父母祝願
壽考維祺承我宗祀大我磁基豈意杯蛇釀疾在脾
嗚呼哀哉痛哉丁巳之春偕上京師病尚未愈體貌
甚羸兄弟既見怪問驚疑父官萊州限有程期獨往
赴任我故不隨拳拳為爾訪求名醫藥餌調護寢食
節宜既頗平復得展愁眉心欲向學力或見疲母嘗

病容

先考對語

勉爾量力為之見之心志母亦深知嗚呼哀哉已未
之秋母兄遣爾省父來萊爾侍晨昏居餘半載父應
詔起俱爾北來見爾丰采我懷獨開不意房中婦失
提孩嗟我含飴痛淚盈腮自謂罹此凶咎必當否往
泰來夫何未久爾病復摧陰癰內毒禍已成胎庸醫
誤療婦怨誰哉兒邪哀哉痛哉爾病臥牀母心憔悴
匍匐倉皇無可為計值時盛暑夜以日繼欲代爾疾
理不可得見見母苦尚以言慰母聞爾言亦不忍以
死事備何期丙申之夕爾神色異骨肉相看肝腸裂

先考未訣
語

先考之勗

碎亦有遺言執手為記殆至天明未訣而逝嗚呼痛
哉服親迎時之衣覆衾香時之被歲月之促號天莫
企噫死生固有命而恩愛何能割耶父母在堂亦有
而兄祿養固有以樂天年者所悲者爾婦幼嫠無嗣
繼續爾雖付以節義之言吾不知其能金石否也噫
昭昭節義在丈夫或亦有迷於利欲者彼蠢然之陰
質寧知節義為何物邪吾以是切心痛腸為爾恨也
兒若有靈尚當陰淑其心默勵其志使古人之風見
於吾門則生死者皆有光矣嗚呼痛哉興言至此注

古今文苑

卷十一 祭文

七

淚成河。螟蛉之子。負之。螺。贏。揆之於義。古人亦有求
玉他山。而名不泯者。蓋思爾遺言。匿愛是從也。適茲
暮年。俗禮則作佛事。云為兒超度。在士夫家。禮蓋無
信然者。母之痛兒。亦欲從俗。而又止乎禮義也。吾見
生前亦能以禮自處。而無信於異端者。今登鬼錄矣。
英。靈。渺。渺。不知在天堂。邪在地府。邪抑果有天堂地
府。可為之超度。邪。嗚呼。哀哉。兒之生也。過隙之駒。兒
之死也。鰥目之魚。母心傷悲。重寫哀詞。侑奠殯宮。以
盡情。悰。嗚呼。哀哉。尚饗。

潘景升曰此文如訴如泣當與焦仲卿妻胡笳十

八拍同看

王昭平曰追數生平涕零如雨華妻濮母哭泣場
中當高置二座

祭文

祭庶母文

徐媛

萬曆玄黓。困敦歲之陽月。日在於房。我庶母王孺人。以疾終於正寢。其元女宜人。率其子若孫。以藜藿之奠。哭之于几筵。而為楚些以招之。曰。嗚呼哀哉。清商變律。玄冥乘轅。空塔露冷。北戶寒屯。室有嫠姥。一枕游魂。孤幃晝掩。銀缸夜昏。奄忽代謝。天道寧論。痛思成結。欲挽無門。歸來歸來。霧暗遙村。嗚呼哀哉。疇昔之歲。偕我亡萱。意氣好合。曾無間言。愛同拊息。誼比吹埧。螽斯有頌。視彼姜嫄。夙秉靜德。何慍何嗔。小星

天雨幽窈
不紅

復為說法

在御蕭蕭溫溫年華萎薺馨馥零蓀悲深玉簫怨起
 秋原歸來歸來月峽猿吞嗚呼哀哉起滅二途古聖
 難明既云無物四大何成就為有體形影誰并姥既
 早覺夙悟無生虛空照徹香界皈誠五濁不染六塵
 併清蓮臺九品接引雙旌極樂淨土入彼化城歸來
 歸來勿履幽程嗚呼哀哉銖華迅逝流景飛翽神隨
 景滅色併相傾灑然一炷還歸太清杳冥昏默渺矣
 長征徘徊顧盼曠宇空楹留連趙瑟悽愴秦笙雲乘
 鶴去草亂螢生愁雲四起慘月孤明我携幼弟長號

滿目凄其

失聲緬瞻遺愛爰想生平撫此几筵興思故情歸來
 歸來享我蓴羹嗚呼哀哉亂曰束生芻兮奠芳椒白
 日沉兮風蕭蕭蘭房扃兮儀象設狸首斑兮紅壁銷
 魂歸來兮樂逍遙乘青霓兮駕虹橋引鸞車兮步層
 霄陰肅肅兮總幃飄寫哀詞兮追冥冥傷我心兮心
 招招

盧文孟曰雨窓鶴怨別是二番哀鳴

祭屠叔母文

徐媛明

嗚呼哀哉。飛電奔輪。薜花朝露。百歲匆匆。寒暑回互。
 群山蒼蒼。白水湯湯。珠沉南國。月隱北印。嗟我懿親。
 奕世之珍。克配華族。佐翼良人。紀綱戶樞。蘋藻虔持。
 恩涯遐邇。懍以令儀。惟母女侄。實予子室。結襦來歸。
 龜勉循職。壺教肅雍。溫純敏衷。作嬪寒祚。諄諄克恭。
 骨肉厚誼。深情莫替。如何仙輶。忽焉遠逝。緬想音容。
 哀懷若劇。追思依依。徘徊傷悲。庶招楚些。魂兮來歸。
 嗟矣芳魂。幽幽暮昏。松楸露淡。寢簟無溫。夙承瞻顧。

古今女史

卷十一

祭文

十一

殷勤曉暮。齋恨入冥。編車難赴。一生若夢。萬事都畢。
 靈几月寒。素帷風入。興嗟故人。奄忽杳溼。失此良契。
 慘焉傷神。嗚呼哀哉。虛堂閉兮。蕙帳纈。殘妝黯兮。玉
 樹折。鸞鏡飛兮。湘絃絕。芳草萋兮。王孫咽。嗚慈烏兮。
 曉風冷。珮環兮。故宮奠一卮兮。椒醴庶神來兮。空濛。
 朱堯心曰。衷情懇切。故語多哀怨。

悼孫文

徐媛

癸卯歲旅白下。長倩奉使。臨中予亦得返吳中。焉便
 間與鉉兒委禽。乃孺李右諭德漸山屠公女孫孝廉
 思韋公孝女也。婉孌嫻默。克循闈規。適長倩有正郎
 之擢。不果入闈。遂鼓秣陵之棹。偕見與媳行。未幾而
 娠將期。就館阿翁復有滇南校士之遷。泛江而歸。抵
 家兩浹旬。見媳免身得雄。是日作湯餅會。孫生也。修
 眉廣額。質朴肌豐。王父目之曰。偉哉吾孫。他日當大
 吾門。邪。予戲翁曰。似阿翁承旨。滇中為督學使者足

阿翁

別為表情
如遊如遊

矣翁曰。見生三日。當為其書名。昔魯桓公曰。生與我
同類。當命之曰同。予固素喜古人之遺編。或能繩而
類之。卽以同字。字見當效阿翁之嗜書可也。王父極
憐之。日如握拱璧。而相照乘。以見始生未勝跋涉。姑
緩滇中之駕。伺見百辰後。或勉勝。就道尋以熄之。歸
寧。抱甥謁外祖。攜李種痘者。衆十不全三四。見此時
尚舍外家。急買舟返。俄以患癩。復滯風寒。頽然沉苦
者累日。通告醫人。紛紛未究其症。遂殤焉。王父為之
哀泣。輟食。予亦悲悼不能已已。天平天平。是見何事。

早奪其壽。薜華邪。朝菌邪。鏡裏花邪。水中影邪。杳杳
冥冥。不識化為何物。嗟哉衆傷無覺。爾獨先期。逸逸
呱啼。魂將何歸。一味幽幽。大塊雲馳。興言援筆。公悲
意摧。乃作辭曰。

惟吾孫之早逝兮。未百旬而數窮。略授色而解情兮。
在襁褓而告終。矧壘壘之末景兮。望玉樹之龍蔥。喜
潛珠之來掌兮。將護領于驪龍。何朝陽之煽影兮。晞
清露於芳叢。彫景命于超忽兮。罹汝咎之厥躬。揚微
靈於浩渺兮。捐纖魂于埃濛。襲螢火之流光兮。依宿

草之薄衛。去慈母之衿懷兮。離保媪之邃秘。或化爲龍。或散爲霓。彼孤蘭之嫋嫋兮。抽柔翰以滋容。追弱子之早世兮。傷庭枝之殞風。我將顧爾形於太素兮。索爾魄於崆峒。徒侘傺兮永懷。對丘壠兮裹松。哀及今痛轉劇。淚盡兮思濛濛。

王修微曰。阿翁得孫。不啻拱壁。此是兒女子真情。非夫人亦爲關切者。未幾月而天殤。時邪命邪。悼之何益。閱此文哀怨如畫。似乎多贅。

祭夫文

殷氏明

嗚呼吾夫。制行端方。稟性剛直。孝於父母。友于兄弟。御內以禮。接人以恭。取與不苟。語默中倫。淡泊自律。儉素自持。冀偕白髮。胡久抱病。不幸子天。所望惟君。君今長逝。敢愛吾身。誓以死殉。斷斷不移。君母棄我。方軌齊輜。嗚呼生則同衾。死則同穴。相從吾分。豈以市烈。聊具薄奠。訴我一志。惟靈有知。九泉相俟。

潘景升曰。至憂者忘饑。至忿者忘痛。至激發者忘死。殷氏生于華胄。非迫于有生之苦。何爲奮不

是以
烈烈
總
是
與
烈

古今女史 卷十一
顧身豈其有以激之抑稟于天性固爾

[Faint bleed-through text from the reverse side of the page]

祭夫文 黃氏明

嗚呼吾夫之生也。髫年立志。長涉經營。無奈命途多舛。每靡成而有敗。遭逢不偶。更受辱而寡榮。公姑信嫉妬之言。手足無怙恃之望。二叔同入黷官。僅免剝膚之禍。良人終身偃蹇。幾遭貝錦之讒。寄食窮途。幸留殘喘。食半菽以無餘。登二鬴而不給。夫商婦績。僅供朝夕之需。骨立神銷。遙將甘旨之奉。寓寄十有餘年。淒涼百千萬狀。方冀白首何期中。折况無後嗣。倚仗何人。脫珥解衣。治衾棺而送殯。扶輿執紼。歷千里。

滿懷幽恨
盍在不言
乏表

古今女史 卷十一 祭文 二二

二語跌宕
有韻

而歸窀穸靈宗祠之隅卜兆前山之吉墳塋治矣信
誓昭矣獨念孤能正首幸息半生於飄零倘令哭可
崩城寧委牧廬于草莽雖掇蠶蒙驪姬之譖而飛霜
奮齊殿之誠游竟尚逐夫蒼梧灑淚忍斑乎湘竹生
陳一奠歿有餘悲尚饗

潘景升曰黃氏者歛方洪山妻也夫亡未七竟自
絕粒歷訪生平鬱事作文以祭夫文成怡然觸
歿于靈之下士大夫聞之無不驚嘆雖有方北
部之狀鮑孝廉之誄總不若此文自為寫照

曹禪墓銘

周氏

君姓曹名禪字禮夫世為番陽人祖父皆仕於唐高
祖之朝惟公三舉不第居家以禮義自守及卒於長
安之道朝廷公卿鄉隣者舊無不太息惟予獨不然
謂其母曰家有南畝足以養其親室有遺文足以訓
其子官形天地間範圍陰陽內死生聚散特世態耳
何憂喜之有哉予姓周氏公之妻室也歸公八載恩
義有多故贈之銘曰其生也天其死也天苟達此理
哀復何言其生也休其死也休又何為哉其母何憂

以死生為
一也應識已
通天

袁中郎曰周氏識透天荒。覺兒女悲酸情態一齊抹殺。三復此銘。可謂女中莊列。

屠母黃孺人墓誌銘

徐 媛 明

屠母黃孺人者。予兒媳從父敏瀾。暑公之元匹也。以萬曆壬子之春。疾終於寢。逮乎癸丑之秋。予禮古天竺先生而歸。途出樵李。媳之母氏。逆我水濱。宴我木蘭之上。我兒媳奉其從父之命。出其叔母黃孺人之狀。垂涕洟而告曰。嗟乎。此吾叔父之女姪。黃夫人。操不律而狀吾叔母者也。黃夫人于媳為女兄弟。其文才藻繪。上可方班姬。下亦不愧曹大家。中所載。吾叔母生平懿行甚悉。吾叔父將以來歲春王之月。舉

叔致古

志銘

古今女史 卷十一 誌銘
其纍裡而卜上峽。蓋窆窆行有日矣。吾叔父念所以
不朽吾叔母者。獨有形管之芳華。勒之麗牲之石。用
以賁幽壤而耀來茲。而我姑迴文。紈扇不減名姬。倘
哀其衷而錫之片詞。以華袞其枯骨。庶幾吾叔父得
藉手以執同牢之誼。而雪奉倩之悲乎。余自媿無文。
無以闡孺人之徽音。懿範而迫于媳婦之請。不獲固
辭。遂忘其蕪陋。援筆而爲之誌。按狀孺人諱觀。嬌。姓
黃氏。樞里之角里人也。門稱通德。文彩耀于儒林。譜
系名宗。根蒂固同磐石。車書禮樂。爭誇紫詰。千篇卿

相公侯。奚止朱輪十乘。賜書未蠹。古鼎猶存。家聲冠
冕于本朝。人物琳琅而滿目。父錄薦繡。巡方虎符。臨
鎮一道之風霜。掃境九重之雨露。隨輪伯氏正色。鳳
檢雷行。烏臺霜肅。共仰刁耀邊臣之節。咸稱揚秉宰
相之才。仲氏洪憲。鳳藻騰文。臥看八磚之日影。猶子
承玄龍圖外。攘坐清列郡之炎氛。父子聯榮。無款向
異同之論。弟兄接武。盡機雲俊爽之才。孺人生鍾蕙
秀。長擅蘭芳。早茂徽華。夙彰榮曜。言成軌則。常受教
于公宮。動合儀章。德有聞于師氏。詩賡柳絮。寧讓謝

卽此四語
請爲徐媛
自贊

太傅之名。閨詞解色。絲不減。蔡中郎之令。女芣苢采。
采家有和平之風。葛覃萋萋。身躬勤儉之德。逮乎瀉
水釐降。有媯來歸。和聲叶鳴鳳之占。坦腹中乘龍之
選。宜其家室。及桃夭之九華。求我庶士。迨標梅之三
實。授巾沃盥。視寢膳于晨風。秉杼鳴機。佐啣唔于夜
月。恭非貌飾。孝出性培。猶且樛木葛縈。逮衾禩之肅
肅。螽斯羽揖。宜子孫之繩繩。可謂內則肅慎。中饋虔
恭者矣。亡何勞瘁傷年。沈疴委頓。香銷胡地之珍草。
絕瓊田之路。朝陽晞露。芳薜雕顏。月冷囊琴。絃折離

鸞之曲。風摧庭樹。柯披蓮理之枝。秦樓聲繼。文簫玉
女光沉。寶婺以甲寅春月之吉。卜塋于某山之原。敏
瀾公傷神。秋月掩淚。長松空悲。李直之留書。徒悼安
仁之長算。仙踪未別。鶴馭何年。白露凝楸。黃埃委榭。
神光離合。陳王之惆悵。堪悲雲氣。徘徊楚后之留連。
如在。乃作銘曰。
陸終建國。江夏開都。入挺英傑。世擅雄圖。繡轂連鑣。
香貂接珥。乃生令淑。彤管有美。珠產照乘。蘭錫國香。
邢衣褰服。宋子河魴。百兩言歸。三星在戶。愛敬天成。

言容有度。既全婦德。還稱母儀。方之棠棣。譬彼螽斯。
義越江沱。仁流樛木。浴繭供衣。鳴機佐讀。恩洽宗盟。
勤持闔政。造物何垂。寸陰易竟。藥謝金膏。光埋神鏡。
嗟美人之一去。似飄英之委徑。金戶聲沉。玉樓人靜。
幽壙蕪深。荒延草勁。嗚呼哀哉。山青青兮。水泠泠雲。
漠漠兮。天冥冥。山門迴帳兮。泉室移燈。鸞悲失影兮。
劍咽孤鳴。凄其趙瑟兮。哀愴秦笙。千秋萬祀兮。扁此
佳城。

陳君公曰錦腸綺舌如繡如繪

勅封文林郎廣西監察御史先父鄒公生前事

行狀

鄒賽貞

先父諱謙字終吉號益軒世系太平當塗人自幼穎
敏博學有大志昆季三人長伯孟亨次仲和各有所夙
疾未能持家先人與母孫氏事先大父母以孝行稱
於鄉里時遊郡庠甘勤經史家事維持備歷辛苦景
泰庚午領鄉薦赴禮闈得乙榜授浙之常山訓於時
同憲友數輩偕乙榜者各以職薄而辭惟先人以家
貧親老而念之曰余若以職薄而辭則余雙親桑榆

之景曷能留邪。其布衣友若布政使端仲仁、右副都御史吳輿、壁等皆頷其孝誠而惜其小就。既而奉先大父母之任，晨昏侍養，靡不得其懽心。九年考滿，奉親還鄉，給由之京。陞靈壽學諭，仍為雙親年高，弗能迎任奉養，晝夜惶惶，尋遇恩例，許分俸養親，即欣然以任內該支俸糧分回原籍養贍。歲時又以土產及衣服履襪之類寄奉問安。長伯無子，兼患目疾，先人期以終身供奉衣食。少年失偶，先人住常山，輒寄資物為其續絃。止一女為作資裝嫁之。次伯子女七人。

澠縣縣志
卷十一

皆有恩惠所及。又如祖產之類，悉讓與次伯。復勉長伯曰：汝無子，終身靠我可矣。幸無念祖業也。在靈壽時，密近京師，因女年將及笄，每以書謀諸心友鍾寺正，為之擇壻。鍾復以同鄉故族，門下生濮子某賢敏，可妻。於癸未歲，親迎於靈壽，留貳館。授業三年，生子韶。先父母以英物目之。後挾歸京邸，乃得諧綿綿之慶。又在靈壽六年，聞祖父憂，回家守制。未幾，祖母亦逝。輜車並葬，哀毀踰禮。服闋間，遣弟魯入郡庠補弟子員。乃起復赴京，仍授夏邑。三年通滿，諸士子不忍

別以任內有績。又陞湖廣常德教授。於時魯已登進士第。父到任四年。自陳休致還家。共族人親故作樂。終日會魯宰建德。與行取之京。父以塵事不羈。心自快。且有平昔鍾愛女壻之情。因同抵京師會晤。時乃癸卯大比之年。既而延芳果中京闈。父得滿素願。喜之不勝。復諭孫韶爾。能加勉。下年當出人一頭地也。外孫女秀蘭亦嘗戒以女工婦道之端。爲之議婚。姻命愚夫婦曰。壻苟賢矣。貧富莫較。後有太學生費氏子。明經飽學。媒氏請締婚姻。遂忻忻然贊成曰。此因

緣實吾兩家之慶。將來安可量乎。斯言也。蓋有徵矣。先人生前爲人篤實正直。平居教子女皆有法度。飲食必謹節。服飾不華靡。歷官四處。舉得人心。士子咸服其教養之恩。同寮重其寬厚之德。初任常山。有生員曰樊鯤者。幼失父。同母守孤。衣食不贍。前典教者責以束修未備。或受呵譴。不能容身。欲罷學事農畝。父到任。卽喚入講下。特加青盼。教誨傳示經旨。後此牛果中鄉舉入監。後授福建某府同知。會先人於都下。拜謁感泣曰。今日之榮。先生之賜也。其成人材大

古今女史 卷十一
率類此。乃於成化丙午四月十五日晨起。召次子常。其飲饌。共子壻族人相宴中庭。飲畢而歿。壽六十七。子二。長魯任監察御史。次常生員。女二。長賽貞。適濮延芳。中癸卯鄉試。次安貞。適儲懋。成化二十三年五月。日女賽貞泣血書。

周釋肅曰。只將孝廉作題目。筆筆勾出。有女如此。乃父不朽矣。

柳下惠誄

柳下惠妻

不煩言而
意定

夫子之不伐兮。夫子之不竭兮。夫子之信誠而與人無害兮。柔屈從俗不強。察兮蒙恥救民德彌大兮。雖遇三黜終不弊兮。愷悌君子未能厲兮。嗟乎惜哉。乃下世兮。庶幾遐年。今遂逝兮。嗚呼哀哉。魂神泄兮。夫子之諡宜為惠兮。

王百穀曰。商彝周鼎古樸可愛。

[Faint bleed-through text from the reverse side of the page]

司馬相如誄

卓文君

嗟嗟夫子兮。亶通儒少好學兮。綜羣書縱橫劔技兮。
英敏有譽尚慕往哲兮。更名相如落魄遠遊兮。賦子
虛畢爾壯志兮。駟馬高車憶昔初好兮。雍容孔都憐
才仰德兮。琴心兩娛未托為妃兮。不耻當壚生平淺
促兮。命也難扶長夜思君兮。形影孤步中庭兮。霜草
枯鴈鳴哀哀兮。吾將安如仰天太息兮。抑鬱不舒訴
此悽惻兮。疇忍聽子泉穴可從兮。願捐其軀
唐伯虎曰相如偉辨傾倒詞場文君精華雄視稅

相如一生
行徑數言
通鑑

古今女史 卷十一
圖宜其相從當壚而不之耻也

元皇后誄

左芬

惟泰始十年秋七月景寅晉元皇后楊氏崩嗚呼哀哉昔有莘適殷姜妣歸周宣德中闈徽音未流樊衛二姬匡齊翼楚馬鄧兩配亦毗漢主峩峩元后光嬪晉宇伉儷聖皇比蹤往古遭命不末背陽卽陰六宮號咷四海慟心嗟予鄙妾銜恩特深追慕三良甘心自沉何用存思不勞德音何用紀述託辭翰林乃作誄曰赫赫元后出自有楊奕世朱輪耀彼華陽惟嶽降神顯茲禎祥篤生英媛休有烈光合靈握文異于

古今女史 卷十一 誄 三

庶。姜。和。暢。春。日。操。厲。秋。霜。疾。彼。攸。遂。執。此。義。方。率。由。
四。教。容。德。匪。荒。行。周。六。親。徽。音。顯。揚。顯。揚。伊。何。京。室。
是。臧。乃。聘。乃。納。聿。嬪。聖。皇。正。位。閨。闈。惟。德。是。將。鳴。佩。
有。節。發。言。有。章。仰。觀。列。圖。俯。覽。篇。籍。顧。問。女。史。咨。詢。
竹。帛。思。媚。皇。姑。虔。恭。朝。夕。允。釐。中。饋。執。事。有。恪。於。禮。
斯。勞。於。敬。斯。勤。雖。日。齊。聖。邁。德。日。新。日。新。伊。何。克。廣。
弘。仁。終。溫。且。惠。帝。妹。是。親。經。緯。六。官。罔。不。彌。綸。孥。妾。
惟。仰。譬。彼。良。辰。亦。既。青。陽。鳴。鳩。告。時。躬。執。桑。曲。率。道。
媿。姬。修。成。蠶。叢。分。饋。理。絲。女。工。是。察。祭。服。是。治。祗。承。

宗。廟。未。言。孝。思。于。彼。六。行。靡。不。蹈。之。皇。英。佐。舜。塗。山。
翼。禹。惟。衛。惟。樊。二。霸。是。輔。明。明。我。后。異。世。同。矩。亦。能。
有。亂。謀。及。天。府。內。敷。陰。教。外。毗。陽。化。綢。繆。庶。政。密。勿。
夙。夜。恩。從。風。翔。澤。隨。雨。霽。中。外。祉。福。遐。邇。味。歌。天。作。
貞。吉。克。昌。克。繁。則。百。斯。慶。育。聖。育。賢。教。踰。姒。訓。邁。
姜。嫄。堂。堂。太。子。惟。國。之。元。濟。濟。南。陽。為。屏。為。藩。本。枝。
掩。謫。四。海。蔭。焉。微。斯。王。妣。就。茲。克。臻。日。乾。蓋。聽。日。聖。
允。誠。積。善。之。常。五。福。所。并。宜。享。高。年。匪。隕。匪。傾。如。彭。
之。齒。如。聃。之。齡。云。胡。不。造。丁。茲。禍。殃。寢。疾。彌。留。寤。寐。

不康。巫咸騁術。和鵲奏方。祚福無應。嘗藥無良。形神
將離。精氣載荒。奄忽崩殂。湮精滅光。哀哀太子。南陽
繁昌。攀援不寐。躡踊摧傷。嗚呼哀哉。闔宮號咷。宇內
震驚。奔者填衢。赴者塞庭。哀慟雷駭。流淚雨零。歔歔
不已。若喪所生。惟帝與后。契濶在昔。比翼白屋。雙飛
紫閣。悼后傷后。早卽窀穸。言斯既及。涕泗隕落。追念
我后。實聰實哲。通于性命。達于儉節。送終之禮。比素
上世。祿無珍瑤。哈無明玦。潛輝梓宮。未背昭晰。臣妾
哀號。同此斷絕。庭宇過密。幽室增陰。空設幃帳。虛置

衣衾。人亦有言。妙道難尋。悠悠精爽。豈浮豈沉。豐奠
日陳。奠魂之臨。孰云元后。不聞其音。乃議景行。景行
以益。乃考龜筮。龜筮襲吉。爰定宅兆。克成玄室。魂之
往矣。於以今日。仲秋之辰。啟明始出。星陳夙駕。靈輿
結駟。其輿伊何。金根玉箱。其駟維何。二駱商黃。習習
容車。朱服丹裝。隱隱羈軒。弁經總裳。華轂曜野。素蓋
被原。方相仡仡。旌旗翻翻。輓童引歌。白驥鳴轅。觀者
夾塗。士女涕漣。千乘萬騎。迄彼峻山。峻山峩峩。曾阜
重阿。弘高顯敞。據洛依河。左瞻皇如。右涕皇家。推存

忽作理想
愈增難
之悲

揆亡明神所嘉。諸姑姊妹姊妹媵御。追送塵輕。號跳
衢路。王侯卿士雲會星布。群官庶僚。編蓋無數。咨嗟
逼夜。東方云曙。百祇奉迎。我后安厝。中外俱臨。同哀
共慕。涕如漣雨。淚如湛露。扃閨既闔。窈窕冥冥。有夜
無晝。曷用其明。不封不樹。山坂同形。昔后之崩。大火
西流。寒往暑過。今亦孟秋。自我銜郵。儵忽一周。夜服
將變。痛心若抽。逼彼體制。惟以增憂。去此素衣。結戀
靈丘。有始有終。天地之經。自非三光。誰能不零。存播
令德。沒圖丹青。先哲之志。以此為榮。溫溫元后。實宜
濡焉。慈焉撫育。群生恩惠。滋焉遺愛。不忘未見。思焉懸明。
日月垂萬春焉。嗚呼庶妾。感四時焉。言思言慕。涕淚
濡焉。

茅鹿門曰語出晉人。便覺俊雅。若左氏此誄。有典
有則。體裁自大。

古今事考 卷十一 誄 十五

萬年公主誄

左九嬪

昔滿衣早智。周晉夙成。咸以岐嶷。名存典經。猗歟公
 主。在幼尅哲。方德比齒。有邈先列。何德之盛。而年或
 闕。何華之繁。而實不結。雨墜風逝。形影長滅。赫赫京
 室。河洛所經。陰精發曜。降茲淑靈。篤生公主。誕膺休
 禎。秀出紫微。日暉月明。既睇豔姿。徽音孔昭。盼舊其
 媚。婉曼其嬌。寵玩軒陛。如瓊如瑤。雖則弱齒。雙德兼
 苞。五福所集。聞之先民。積善鍾慶。怙德輔仁。宜終淑
 美。光暉日新。云何降戾。景命不振。曄曄榮曜。英甦始

語似天問

至歿二語
傷心

芳何辜於天。猥遇降霜。熒熒稚童。飄飄遐翔。於戲何辜。痛茲不福。生而何晚。歿而何速。酷矣皇靈。謬哉司祿。嗚呼哀哉。日月載馳。白露凝結。自主薨徂。奄離時節。吉凶乖邈。存亡異制。將遷幽都。潛神未翳。嗚呼公主。竟豈是綏。岌岌靈輻。駿駟駢駢。挽童齊唱。悲音激摧。士女歔歔。高風增哀。一日不見。採蕭作歌。况我公主。形滅體訛。精靈遷逝。幽此中阿。言思言念。二淚滂沱。嗚呼哀哉。

袁中郎曰。宕逸有致。屈家風味。

張愈諫

妻蒲芝

高視往古。哲士實殷。施及秦漢。餘烈氛氲。挺生英傑。卓爾逸羣。孰謂今世。亦有其人。其人伊何。白雲隱君。嘗曰。丈夫趨世。不偶仕非其志。祿不可苟。營營末途。非吾所守。吾生有涯。少實多艱。窮亦自固。困亦不顛。不貴人爵。知命樂天。脫簪散髮。眠雲聽泉。有峯千仞。有溪數曲。廣成遺趾。吳興高躅。疏石通逕。依林架屋。麋鹿同羣。晝遊夜宿。嶺月破雲。秋霖灑竹。清意何窮。真心自得。放言遺慮。何榮何辱。孟春感疾。閉戶不出。

妙意點詞
習疎曠有

豈期遂往英標永隔。抒詞哽噎。揮涕汎瀾。人誰無死。惜乎材賢已矣。吾人嗚呼哀哉。

陳眉公曰。張愈字少愚。益州郫人。雋偉有大志。遊學四方。屢舉不第。寶元初。上書言邊事。請使契丹。令外夷相攻。以完中國之勢。其論甚壯。用使者薦。除試秘書省校書郎。願以授父。顯忠而隱於家。六召不應。喜奕棋。樂山水。遇有興。雖數千里。輒盡室往。後杜門著書。未就。卒。妻蒲氏。名芝。賢而有文。爲之誄。

徐文長曰。蒲氏之才。雖不及柳下司馬。然亦令嫺之難弟也。巖究同調。眷屬尤難。誄不重。重其品耳。且身隱能文。不尤勝辟纁婦耶。

楊升菴曰。白雲先生六詔不起。乃如蒲芝。聯德敵體。孟光同暉。柳妻遺誄。有婦人焉。五人而已。

江母張夫人誄

陸卿子明

惟萬曆三十年夏六月壬辰江母張夫人卒嗚呼哀哉赤日晝掩炎光罷爍飛霜夏霈淒風回薄山淪翠靄江湧素湍親戚遑矣罔措邑里悽其悲嘆嗚呼哀哉純孝慕以擗標仰昊天而不復藏白璧以潛瑛將丹椒而揚馥蘭儀永謝芳軌堪轂詠厥徽美遐邇咸告表懿旌旃流芳簡牘其詞曰爰惟青賜出自軒轅揮爲弓正厥系帝孫因司樹姓源別派分漢運良籌周頌仲孝皇綱或維勁敵是勦茂先博識平子覃思

還譜其姓
顯少

古今文苑

卷十一 誄

計七

殫精極藝。妙筭無遺。託興秋風。行歌鼓柷。或處或行。
蟬聯雲綬。有宋不造。醜膚胥獠。王室如燬。生靈莫系。
高宗返正。渡淮涉江。桓桓張子。扈蹕來邦。國旣克奠。
家亦戾止。儲粟萬鍾。餉彼多士。帝旌厥忠。民濡斯祉。
丕承天憲。奕世彌芳。英英太宰。翼讚陶唐。炳若列宿。
穆若春陽。沛發嘉言。惠我先考。夕瀨趣淵。晨光溢顯。
綺鬱芳叢。霞摛天表。絕壑生暉。孤峰崑峭。黃鳥哀鳴。
玄猿斷嘯。千古猶今。重陰剖曜。五色齊彰。八音迭奏。
猶子多才。季父穎秀。篤生夫人。令德淵茂。弱齡失怙。

詭到回風
滅火繼響
劉焯真是
夏人之吉

靡依懷袖。慈訓在殯。燎原將及。渺爾悼惶。撫柩哀泣。
上帝降監。燁沈滔輯。廓清煙于餘美。儼總帷于重熠。
遣盜擲金。掩婢發笥。吞毒蝮蛇。緘口險詖。孰謂鬢亂。
淵乎其智。筭年結禱。字彼華族。五葉連輝。軒車相屬。
清風翼蓋。芳塵扶轂。列戟如林。攢矛若族。或擢幹于
雲霄。或振旅于荒服。蠟厥犬羊。樹我芳牧。惟媛之壻。
彼彥之叔。翩翩逸俊。灼灼婉淑。于飛頡頏。以靜以恭。
緝和斑白。啟煥童蒙。比潤圭璋。麗藻黼黻。嚴姑降顏。
諸姒忘偃。洩洩灑灑。春波泛沆。審鳥合之反刃。渙昧

古今文苑
卷十一
一
誄
四

昔之詎。被聚必有散。敗實毀成。林花始燁。繁露夙零。
良人遙邁。泉塗聿扃。欲先驅于地下。復顧瞻于堂上。
卻甘旨而弗御。每覩景而悵快。雖形存于素幙。已神
棲于幽壤。嗚呼哀哉。追芳陳寡。擬操陶嬰。畫機絲而
敷。教諭。絳絕而觀。朋濟濟五常。恂恂八愷。舊舊玉樹。
郁郁蘭茝。茁筍抽萌。斑衣疊彩。罔或遊盤。曷俾心痲。
命也無恒。俄景倏改。嗚呼哀哉。豁臻玄理。朗識真筌。
悟無生于既往。託虛無而不還。嗚呼哀哉。昔否其死。
今然甘憩。戒奢薄歛。舍和委世。便房一啟。千秋永閉。

嗚呼哀哉。遙覽兮無料。眇浥兮冲華。臨風兮灑泣。彼
哲人兮是着。嗚呼哀哉。

屠赤水曰。每于芥子作須彌勢。不特詞章典麗已
也。

[Faint bleed-through text from the reverse side of the page]

先人誄 有序

徐媛

嗚呼哀哉。龍蛇在辰。君子道消。吉凶後先。天壽同凋。
 嗟茲北邙。白楊蕭蕭。譬彼望舒。有虧有盈。痛此萱椿。
 條葉頽零。哀哀我親。素質含瑛。德洽造物。志合天真。
 皇。所。不。察。殲。我。碩。人。百。年。寧。贖。一。去。忘。返。假。羽。景。雲。
 天。高。路。蹇。何。以。弔。衷。淚。盡。玄。旂。何。以。誄。德。願。托。斯。言。
 乃。作。誄。曰。
 烈。烈。我。祖。自。徐。啟。疆。遡。厥。苗。裔。伯。益。是。昌。族。由。令。滋。
 名。以。德。彰。秉。身。操。行。為。龍。為。光。策。名。天。府。實。邦。之。璋。

名貴

句

古今女史 卷十一
篤生我父。出自有張。人稱騏驎。千里翱翔。早振頭角。
自眉鴈行。逮我王父。結綬承明。比隣者董。族盛冠裳。
爲媒好述。已氏者昌。鳳卜是吉。和鳴鏘鏘。厥我外祖。
古史之良。樹位鼎台。秉機廟廊。分授王父。金固蘭香。
心照神接。合璧是賞。庶幾比肩。以事君上。云胡奄忽。
乘雲帝鄉。一疾不返。星隕其芒。丹旄歸來。隨風飄揚。
祖濫朝露。王母在堂。遺諸伯叔。勞疚彷徨。父也髫年。
大事其襄。斧藻砥礪。肯構肯堂。撫茲弱弟。克矜克讓。
眷彼萱親。夙興是將。養羽外家。鵬息鴻藏。一經屈首。

守中書

曩螢夜窓。翁愛玉潤。授以青緇。蠶宮早遊。青衿躡躑。
崑崙試御。汗血騰驤。母氏于歸。允迪前徽。婦順克諧。
四教是依。聿來作妃。虔恭慈幃。怡如藹如。克敬克婉。
蘋蘩是供。絺綌是澣。家曰令儀。邦曰淑媛。執事有恪。
仁風是扇。健持戶樞。儉約自茹。允釐中饋。敦睦里閭。
推恩小星。采葑采菲。佐理君子。側躬下體。君子厥昌。
奕葉褒光。濯足龍洲。奮手凌蒼。南宮射策。執作爰斯。
委任水衡。百工並舉。惴惴苦心。虔龔綜理。精能徹鑒。
誠則達主。勤劬孔多。恩波下沐。晉秩同卿。嘉以寵服。

一路寫來
海絕世

鳩役慈寧晨惕夕肅省利節費勞謙國計耿介執直
不干權勢孤子日將復與世戾衆口沉木芳草爲壤
貝錦雌黃謠詠成黨拂衣歸來五柳門栽懸車避囂
叢桂齊開孤霞縹影皎月盈苔櫻情春卉託思秋容
東魯慕玄南郭潛踪鶴斃盤桓山翁埜農課奴曉春
訓婢夜織南山一畝唱和自適惠藥問疾厝欽遺骨
施德遐宗提携子侄存恤寡孤捐衣推食懋哉義問
遐矣仁聲如露之滋何草不榮懿德實嘉宜享遐齡
命之不造數與禍丁有耳無聰天聽冥冥嗚呼痛哉

母氏邁患身櫻痼疾哀我慈幃一旦埋骨百草徒窮
良醫無術蕙性香銷蘭儀景戢叩闈無力淚盡輕紉
銀缸夜慘懔帳飛寒曾未及稔嚴君伏枕一疾奄綿
忽焉長寢藐孤襁褓吉凶寧審疾女在疚未訣無引
熒熒遇災門戶成乖百口張皇黃金散灰惇惇諸嫠
泣如雨零眇焉弱壻隻翼零丁存者吞聲亡者冥冥
噫噓嗟吁爲善無徵貞不常祐如何斯人未卜其壽
不施其身而於其後消白骨今陳根迷夜臺兮昏晝
曉滌魄于成池暮馳精于壁斗顧一晤而無從追往

子鈞

古今事考

卷十一

四

時而倥倥望歸魄兮聽鶴激楚些兮杼衷徒擗標以
撫躬心摧剝而哀慟呼聲摩空迸淚泉湧祖陳二筵
旌拂雙控陟岷兮雲籠松楸兮改容嗚呼哀哉白華
凋兮遊子窮枯蘭銷兮庭幃空藏精誠于玄壤委浩
氣于秋風行雲結兮木魅嘯玉笛悲兮山鬼恫恨千
載兮成血哭有聲兮思無窮

陳眉公曰彩徹雲衢色欺花柳何物寧馨弄口聲
戛戛乎擊玉敲金

卷終

新刻古今女史卷十二

武林 趙世杰問奇 選輯

錢鏞 許肇文明長 叅閱

如夢令

春晚

李易安

昨夜雨疎風驟濃睡不消殘酒試問捲簾人却道海
棠依舊知否知否應是綠肥紅瘦

紅白桃花

嚴 藥

道是梨花不是道是杏花不是白白與紅紅別是東

風情味曾記曾記人在武陵微醉

偶賦

王微

簾外月消烟冷凍瘦一枝梅影空館不勝情此際知誰管領夢醒夢醒又把閑愁細整

長相思令

寄恨

吳二娘

深黛眉淺黛眉十指籠葱雲染衣巫山行雨歸山高巫山低暮雨瀟瀟郎不歸空房獨守誰

生查子

閨情

李易安

年年玉鏡臺梅藥宮粧困今歲未還家怕見江南信酒從別後疎淚向愁中盡遙想楚雲深人遠天涯

近

題壁間

楚娘

去年梅雪天千里人歸遠今歲梅雪天千里人追怨鐵石作心腸鐵石剛猶軟江海比君恩江海深猶

淺

點絳脣

面尽無聊
少况

妻怨語不
堪多讀

閨怨

李易安

寂寞深閨。柔腸一寸愁千縷。惜春春去。幾點催花雨。倚遍闌干。祇是無情緒。人何處。連天衰草。望斷歸來路。

浣溪沙

懷人

慕容容 韓卿妻

滿目江山憶舊遊。汀洲花草弄春柔。長亭艤住木蘭舟。好夢易隨流水去。芳心猶逐曉雲愁。行人莫上望京樓。

閨情

李易安

繡面芙蓉一笑開。斜飛寶鴨襯香腮。眼波纔動被人猜。一面風情深有韻。半牋嬌恨寄幽懷。月移花影約重來。

菩薩蠻

咏梅

朱淑貞

濕雲不度溪橋冷。嫩寒初透東風景。橋下水聲長。一枝和雪香。人憐花似舊。花比人應瘦。莫凭小闌干。夜深花正寒。

摹寫嬌態
曲次如回

摹寫傷感
曲次如回

醜奴兒冷

途中自解

徐氏 徐匡璋女

初離蜀道心將碎。離恨絲絲。春日如絲。馬上時時聞
杜鵑。三千宮女皆美貌。妾最嬋娟。此去朝天。只恐
君王寵愛偏。

巫山一段雲

美人

楊夫人

巫女朝朝艷。楊妃夜夜嬌。行雲無力困纖腰。媚眼暈
紅潮。阿母梳雲髻。檀郎整翠翹。起來羅襪步蘭苕。

見又魂消

卜算子

答施酒監

樂婉

相思似海深。舊事如天遠。淚滴千萬萬。行使人愁
斷腸。要見無因見。見了終難拚。若是前生未有緣。
重結來生願。

自陳

嚴藥

不是愛風塵。以被前緣誤。花落花開自有時。總賴東
君主。去也終須去。住也如何住。若得山花插滿頭。

古今事考 卷十一 四
莫問奴歸處

憶秦娥

孫夫人

花深深。一勾羅襪行花陰。花陰閑將柳帶試結同心。耳邊消息空沉沉。書眉樓上愁登臨。愁登臨。海棠開後。望到如今。

重在海棠
離後二句
靠有思致

寄李生

梁意娘

春宵短。香闌寂寞愁無限。愁無限。一聲窗外曉鶯新。轉。起來無語成嬌懶。柔腸易斷人難見。人難見。這

些心緒如何消遣

湖上有感

王微

多情月。偷雲出照無情別。無情別。只似清輝暫圓常缺。傷心如對西湖說。湖光如夢湖流咽。湖流咽。又似離愁半明不滅。

湖流咽三
字真不可
廢

清平樂

夏日遊湖

朱淑貞

惱烟撩露。留我須臾住。携手藕花湖上路。一霎黃梅細雨。嬌痴不怕人猜。和衣倒在人懷。最是分携時

恁態橫生

古今事考

卷十一 詩餘

四

古今女史 卷十二 五
候歸來懶傍粧臺。

詠雪

孫夫人

悠悠颺颺做盡輕模樣。夜半蕭蕭窗外响。多在梅邊。竹上。朱樓向晚簾開。六花片片飛來。無奈薰鑪烟霧騰騰扶上金釵。

更漏子

寄李玉妹

延安夫人

小闌干深院宇。依舊當時別處。朱戶鎖。玉樓空。一簾霜日紅。弄珠江何處是。望斷碧雲無際。凝淚眼。出

重城隔溪羌笛聲。

武陵春

春晚

李易安

風住塵香花已盡。日晚倦梳頭。物是人非事事休。欲語淚先流。聞說雙溪春尚好。也擬泛輕舟。只恐雙溪舴艋舟。載不動許多愁。

浪淘沙

題驛壁

余淑柔

雨溜和風鈴。滴滴丁丁。做成一枕別離情。可是當年

物是人非
物事不
勝感

海然見雪
巧可愛

陶學士辜負郵亭。過鴈帶邊聲音。信無憑。花鬢偷
數卜歸程。料得到家秋正好。菊滿寒城。

端淑卿

灑淚卜金錢。爻象移遷。荷筒折斷藕絲連。夢裏還家
愁裏語。總是虛占。時事苦連。一別經年。北堂萱
草望懸懸。雲樹參差山水遠。魚鴈難傳。

西江月

警悟

朱希真

世事短如春夢。人情薄似秋雲。不須計較苦勞心。萬

萬淺意深
莫百警世

事原來有命。幸遇三杯酒美。况逢一朵花新。隨時
歡笑且相親。明日陰晴未定。

其二

日日深杯酒滿。朝朝小苑花開。自歌自舞自開懷。且
喜無拘無礙。青史幾番春夢。紅塵多少奇才。不須
計較與安排。領取而今見在。

寄人

端淑卿

簾外紛紛風絮。金鈎雙控頻敲。銀缸明滅麝烟消。羅
帳夢颺飄渺。梅折一枝相寄。長途驛使虛勞。寂寞

後言亦可

更漏夜迢迢展展不知天曉

醉花陰

九日

李易安

薄霧濃雲愁永晝。瑞腦噴金獸。佳節又重陽。寶枕紗
窓。半夜秋初透。東籬把酒黃昏後。有暗香盈袖。莫
道不銷魂。簾捲西風人比黃花瘦。

怨王孫

暮春

李易安

夢斷漏悄。愁濃酒惱。寶枕生寒。翠屏向曉。門外誰掃。

殘紅夜來風。玉簫聲斷人何處。春又去。忍把佳期
負。此情此恨。此際擬托行雲問東君。

其二

帝里春晚。重門深院。草綠階前。暮天鴈斷。樓上遠信
誰傳。恨綿綿。多情自是多沾惹。難拚捨。又是寒食
也。鞦韆巷陌。人靜皎月初斜。浸梨花。

鷓鴣天

贈外

劉鼎臣妻

金屋無人夜剪繒。寶釵翻過齒痕輕。臨行執手殷勤

贈。觀。與。蕭。郎。兩。鬢。青。聽。囑。付。好。看。承。千。金。不。抵。時。情。明。年。宴。罷。瓊。林。晚。酒。面。微。紅。相。映。明。

除夕

朱希真

檢。盡。曆。頭。冬。又。殘。愛。他。風。雪。耐。他。寒。拖。條。竹。杖。家。家。酒。上。箇。藍。輿。處。處。山。添。老。人。轉。痴。頑。謝。天。教。我。老。來。閒。道。人。還。了。鴛。鴦。債。紙。帳。梅。花。醉。夢。間。

懷舊

朱希真

梅。妬。晨。妝。雪。妬。輕。遠。山。依。約。與。眉。青。尊。前。無。復。歌。金。縷。夢。覺。空。餘。月。滿。林。魚。與。鴈。兩。浮。沉。淺。顰。微。笑。總。

此詞不希
景只說心
中事見有
隱逸高情

關心相思恰似江南柳一夜東風一夜深

寄李之問

聶勝瓊

玉。慘。花。愁。出。鳳。城。蓮。花。樓。下。柳。青。青。清。樽。一。出。陽。關。後。別。箇。人。人。第。五。程。尋。好。夢。夢。難。成。况。誰。知。我。此。時。情。枕。前。淚。共。簷。前。雨。隔。箇。窗。兒。滴。到。明。

減字木蘭花

懷人

蘇小小

別。離。情。緒。萬。里。閑。山。無。底。數。遣。妾。傷。悲。未。必。郎。心。知。不。知。自。從。君。去。數。盡。殘。冬。春。又。暮。音。信。全。乖。等。到。

李一淚
淚一血

幾望之情
如泣如訴

古今女史
○可○恨○
花開不見來

鵲橋仙

七夕

嚴 榮

碧梧初出。桂花纔吐。池上水花微謝。穿鍼人在合歡樓。正月露、玉盤高瀉。蛛忙鵲懶。耕慵織倦。空做古今佳話。人間剛道隔年期。怕天上、方纔隔夜。

七夕

項蘭貞

秋色清佳。虛庭受月。漫道雙星踐約。人間離合總難期。空對景、靜占靈鵲。更想停梭此時相晤。可把別

愁。訴卻獨立瑤階。且自吟觀瘦影。薄羅輕綽。

南鄉子

閨情

孫夫人

曉日壓重簷。斗帳春寒起未歡。天氣困人梳洗懶。眉尖淡畫。春山不喜添。閑把綉絲搗。認得金針又倒拈。陌上遊人歸也未。厭厭滿院楊花。不捲簾。

踏莎行

延安夫人

朱希真

孤館深沈。曉寒天氣。解鞍獨自闌干倚。暗香浮動月

此閨中之
思情倦處
正是詞家
風味

黃昏落梅風送沾衣袂。待寫紅箋憑誰與寄。先教
覓取嬉遊地。到家正是早春時。小桃花下拚沉醉。

小重山

春怨

吳淑姬

謝了荼蘼春事休。無多花片子。綴枝頭。庭槐碎影被
風柔。鶯。雖。老。聲。尚。帶。嬌。羞。獨。自。倚。妝。樓。一。川。烟。草
浪。翻。雲。浮。不。如。歸。去。下。簾。鉤。心。兒。小。難。着。許。多。愁。

一剪梅

離別

李易安

紅藕香殘玉簟秋。輕解羅裳。獨上蘭舟。雲中誰寄錦
書來。鴈字回時。月滿西樓。花落飄零水自流。一種
相思。兩處閒愁。此情無計可消除。纔下眉頭。却上心
頭。

寄外

易祓妻

染淚修書寄彥章。貪却前廊。忘却回廊。功名就不
還鄉。石做心腸。鐵做心腸。紅日三竿懶畫妝。虛度
韶光。瘦損容光。不知何日得成雙。羞對鴛鴦。懶對鴛
鴦。

既竟愁多
何不善白
離道

此詞頗盡
離別之情
語意飄逸
令人省目

贈別

嬌紅

豆蔻梢頭春意闌。風滿前山。雨滿前山。杜鵑啼血五
更殘。花不禁寒。人不禁寒。離合悲歡事幾般。離有
悲歡。合有悲歡。別時容易見時難。怕唱陽關。莫唱陽
關。

臨江仙

寄李順妹

延安夫人

一夜東風穿繡戶。融融暖應佳時。春來何處最先知。
平明堤上柳。染遍鬱金枝。姊妹遊來時節近。今朝

應怨來遲。憑誰說與到家期。玉釵頭上勝。畱待遠人

歸

話別

易少夫人

記得高堂同飲散。一盃酒罷分携。絳紗籠影簇行旗。
更殘銀漏急。天淡玉繩低。只恐曲終人不見。歌聲
且為遲遲。如今車馬各東西。畫堂携手處。疑夢又疑
非。

蝶戀花

牽帷歌

蘇小小

傷春只為多情使愁悶皆因春色留

妾本錢塘江上住。花落。花開。不。管。流。年。度。燕。子。銜。將。春。色。去。紗。窗。幾。陣。黃。梅。雨。斜。插。犀。梳。雲。半。吐。檀。板。輕。敲。唱。徹。黃。金。縷。夢。斷。彩。雲。無。覓。處。夜。涼。明。月。生。南。浦。

送春

朱淑貞

樓外垂楊千萬縷。欲繫青春。少住。春還去。猶自風前。飄柳絮。隨春且看歸何處。滿目山川。聞杜宇。便做無情。莫也愁人意。把酒送春春不語。黃昏却下瀟瀟雨。

憶舊

魏夫人

記得來時春未暮。執手板花。袖染花稍露。暗卜春心。共花語。爭尋花朵爭先去。多情因甚。相辜負。有輕拆。輕離向誰分訴。淚濕海棠花枝處。東君空把奴分付。

春風

朱希真

武陵春色濃如酒。遊冶才郎。初試花間手。絳蠟燭殘。人靜後。眉峰便作傷春皺。一霎風狂。和雨驟。柳嫩花柔。渾不禁。傷憊。明日餘香。知在否。粉羅猶有殘紅。

透

寄姊妹

延安夫人

淚濕征衣脂粉煖。四疊陽關唱了。千千遍。人道山長。山又斷。瀟瀟微雨聞孤館。惜別傷離。方寸亂。忘了臨行酒盞。深和淺。若有音書。憑過鴈。東萊不似蓬萊遠。

天仙子

寄恨

小一青

文姬遠嫁。昭君塞。小青又續風流債。也虧一陣黑罡。

真精程

風火輪下抽身快。魚魚別別。清涼界。原不是鴛鴦。一派休筭。做相思一槩。自思自解。自商量。心可在。魂可在。着衣又撚雙裙帶。

阮郎歸

清明

端淑卿

園林春到清明節。花柳愁攀折。人生何事輕離別。水遠山重疊。杜宇啼殘。更月銀缸。照明滅。莊周有夢。驚飛蝶。關心猶未說。

玉連環

古今女史

卷十二 詩餘

雷

送人入朝

陳鳳儀

蜀江春色濃如霧。擁雙旌歸去。海棠也似別君難。一點點啼紅雨。此去馬蹄何處。沙堤新路。禁林賜宴賞花時。還記得西樓未。

惜分飛

送別

吳淑姬

岸柳依依黃金縷。是我朝來別處。惟有多情絮。故人衣上留人住。兩眼啼紅空彈與。未見桃花又去。一片帆舉斷腸遙指蒼溪路。

滿宮花

暑夜與諸女郎外家宴

楊 宛

樹陰陰。涼早早。共盼月來天杪。不知花裏幾多花。只覺幽香重透。露猶輕。人已悄。各各深情情巧。盡從花裏捉流螢。一半醉眠芳草。

伊川令

寄外

范仲胤妻

西風昨夜穿簾幙。閨院添消索。最是梧桐零落。迤邐秋光過却。人情音信難托。教奴獨自守空房。淚珠

與燈花共落。

太常引

餞齊叅議還山東

劉燕歌

故人別我出陽關。無計鎖雕鞍。今古別離難。煩誰畫

蛾眉遠山。一尊別酒。一聲杜宇。寂寞又春殘。明月

小樓開第一夜相思淚彈。

風中柳

閨情

孫夫人

銷滅芳容端的為郎煩惱。鬢慵梳。宮粧草草別離情

緒待歸來都告怕傷郎。又還休道。利鎖名韁幾阻

當年歡笑。更那堪鱗鴻信杳。蟾枝高折。願從今須早

莫辜負鳳幃人老。

燕歸梁

送都鈴帥

趙才卿

細柳營中有亞夫。華宴簇名姝。雅歌長許。佐投壺。無

一日不歡娛。漢皇拓境思名將。捧飛詔欲登途。從前

密約盡成虛。空贏得淚流珠。

賣花聲

茉莉

楊 宛

盡日若含愁。別樣嬌羞。晚涼香散上簾鉤。此際開來
明又樂。一夜風流。脫煞任輕柔。怎耐深秋。相携閒
對小粧樓。不忍淒涼伊似我。說甚風流。

漁家傲

步韻咏吳延陵郊居小齋

徐 媛 明

板扉小隱清溪曲。夜月羅浮光覆屋。木龍戛戛搖生
穀。莊田熟。桔槔懸向茅簷宿。青山一片芙蓉簇。林
皋逸韻飄黃竹。遠浦輕帆低幾幅。濃睡足。笑看小婦

雙鬟綠

祝英臺近

懷友

吳淑姬

粉痕銷。音信斷。好夢又無據。害酒無聊。欹枕聽寒雨。
斷腸。曲曲屏山。溫溫沉水。盡是舊看承人處。久離
阻。誰念一點芳心。閒愁知幾許。偷照菱花。清瘦自羞
覷。可堪梅子黃時。楊花飛亂。鶯鬧催春歸去。

滿路花

風情

朱希真

古今女史 卷一
簾烘淚雨乾。酒壓愁城破。冰壺防飲渴。培殘火。朱消粉褪。絕勝新梳裹。不是寒宵短。日上三竿。殢人猶要同臥。如今多病。寂寞章臺左。黃昏風弄雪。門深鎖。蘭房密愛。萬種思量過。也須知有我。着甚情悰。你但忘了人呵。

魚遊春水

春景

阮逸女

秦樓東風裏。燕子還來尋舊壘。餘寒猶峭。紅日薄侵羅綺。嫩草方抽碧玉。茵嫩柳輕拂。黃金縷。鶯轉上林魚遊春水。幾曲欄干。遍倚。又是一番新桃李。佳人應恠歸遲。梅妝淚洗。鳳簫聲絕。沉孤鴈。望斷清波無雙鯉。雲山萬里。寸心千里。

滿江紅

題驛壁

王清惠

太液芙蓉。渾不似舊時顏色。曾記得承恩。雨露王樓金闕。名播蘭簪。妃后裏。歡承笑語。君王側。忽一朝。鼙鼓揭天來。繁華歇。龍虎散。風雲滅。千古恨。憑誰說。對山河百二。淚沾襟血。驛館夜驚塵土。夢宮車曉。碾

古今女史 卷一
關山月。願嫦娥相顧。肯從容。隨圓缺。

滿庭芳

題壁

徐君寶妻

漢上繁華。江南人物。尚遺宣政風流。綠窓朱戶。十里爛銀鈎。一旦刀兵齊舉。旌旗擁。百萬貔貅。長驅入。歌樓舞榭。風倦落花愁。清平三百載。典章文物。掃地都休。幸此身未北。猶客南州。破鏡徐郎。安在空惆悵。相見無由。從今後。斷魂千里。夜夜岳陽樓。

載公得請玉局之司作贈

僧兒

讀此數語
如夜聽寒
玉胡笳三
軍為之泣
血

團菊包金叢。蘭減翠。畫成秋暮風烟。使君歸去千里。倍潛然。兩度朱旛。鴈水全勝得陶侃。當年如何見一時盛事。都在送行篇。愁煩梳洗懶。尋思陪宴花月。湖邊有多少。風流往事。縈牽聞道。霓旌羽駕。看看是玉局神仙。應相許。冲霄披霧。一到洞中天。

鳳皇臺上憶吹簫

離別

李易安

香冷金猊。被翻紅浪。起來慵自梳頭。任寶奩塵滿。日上簾鈎。生怕離懷別苦。多少事。欲說還休。新來瘦。非

定博見離
斷別意思
致巧成

古今女史

卷一 詩餘

七

千病酒不是悲秋。休休。這回去也。千萬遍陽關也。則難留。念武陵人遠。烟鎖秦樓。惟有樓前流水。應念我終日凝眸。凝眸處。從今又添一段新愁。

燭影搖紅

閨情

孫夫人

乳燕穿簾亂鶯啼。樹清明近。隔簾時度柳花飛。猶覺寒成陣。長記眉峰偷隱。臉桃紅。難藏酒暈。背人微笑。半鞦韆。釵輕籠蟬鬢。別久。啼多眼。應不似當時。俊滿林珠翠。逞春嬌。沒箇他風韻。若見賓鴻。試問待相

別久二句
首句後麗
之趣

將絲箋寄恨。幾時得見。鬪草歸來。雙鴛微潤。

聲聲慢

秋晴

李易安

尋尋覓覓。冷冷清清。悽悽慘慘戚戚。乍暖還寒時候。正難將息。三杯兩盞淡酒。怎敵他曉來風急。鴈過也。正傷心。却是舊時相識。滿地黃花堆積。惟悴損。如今有誰堪摘。守着窗兒。獨自怎生得黑。梧桐更兼細雨。到黃昏。點點滴滴。這次第。怎一個愁字了得。

絳都春

梅花

朱希真

寒陰漸曉報驛使探春南枝開早粉藥弄香芳臉凝
酥瓊枝小雪天分外精神好向白玉堂前應到化工
不啻朱門閉也暗傳音耗輕渺盈盈笑靨稱嬌面
愛學宮妝新功幾度醉吟獨倚欄干黃昏後月籠疎
影橫斜照莫待單于吹老便須折取歸來膽餅插了

孤鸞

早梅

朱希真

天然標格是小萼堆紅芳姿凝白淡泞新妝淺點畫

用僧齊已詩句俱見早梅之旨

陽宮領東君想留厚意倩年年與傳消息昨夜前村
雪裏有一枝先折念故人何處水雲隔縱驛使相
逢難寄春色試問丹青手是怎生描得曉來一番雨
過更那堪數聲羌笛歸去和羨未晚勸行人休摘

念奴嬌

春日閨情

李易安

蕭條庭院又斜風細雨重門須閉寵柳嬌花寒食近
種種惱人天氣險韻詩成扶頭酒醒別是閒滋味征
鴻過盡萬千心事難寄樓上幾日春寒簾垂四面

屬帶老

古今少史 卷十三 五
玉闌干慵倚。被冷香消。新夢覺不許。愁人不起。清露晨流。新桐初引。多少遊春意。日高烟歛。更看今日晴未。

詠月

朱希真

插天翠柳。被何人堆上一輪明月。照我藤牀涼似水。飛入瑤臺。銀闕。露冷笙簫。風清環珮。玉鎖無人掣。閉雲收盡。海天影相接。誰信有藥長生素娥新煉。就飛霜液。雪擊破珊瑚。爭似看仙桂。扶疎竒絕。洗盡凡心。滿身清露。浸蕭蕭華髮。明朝塵世。記取休向人。

月中佳境
被希真一
筆抽出讀
之令人神
醉目爽

說

風情

朱希真

別離情緒。奈一番好景。一番愁感。燕語鶯啼人乍遠。還是他鄉寒食。桃李無言。不堪攀折。總是風流客。東君也自怪人。冷淡踪跡。花艷草芳。春事每隨花意。薄疎狂何意。除却清風并皓月。呱呱此情誰識。料得文君重簾不捲。只等閒消息。不如歸去。受他真個。怜惜。

似文君一
段風情誠
為可耻

梅花

朱希真

弄翰亦妙

古今女史 卷十一
見梅驚笑問。經年何處收。香藏白似語。如愁却問我。
何苦紅塵久。客觀裡栽桃壇頭種。杏到處成踈。隔千
林無伴。淡然而獨傲。霜雪且與管領春。回孤標爭肯
接。雄蜂雌蝶。豈是無情知。受了多少淒涼風。月寄驛
人。遙和羨心在。謾使苦塵歇。東風寂寞可人誰為攀
折。

木蘭花

寄和

吳氏女

愛風流儒雅。看筆下掃雲烟。正困倚書窗。慵拈針線

春意口道
何必躊躇

懶咏詩篇紅葉。未知誰繫謾躊躇。無語小闌前。燕子
知人有意。雙雙飛向花邊。殷勤一笑問英賢。夫乃
婦之天。恐薛媛圖形。楚材興念。喚醒當年。疊疊滿枝
梅子。料今生無分共坡仙。贏得鮫綃帳。啼痕萬萬
千千。

齊天樂

贈外

羅愛卿

恩情不把功名誤。離筵又歌金縷。白髮慈親。紅顏幼
婦。君去有誰為主。流年幾許。况悶悶愁愁。風風雨雨。

古今女史

卷十二 詩餘

三

詞語精切
景幽恨
亮之言外

鳳拆鸞分。未知何日更相聚。蒙君再三分付。向堂
前侍奉。休辭辛苦。官誥蟠花。宮袍製錦。要待封妻拜
母。君須聽取。怕日薄西山。易生愁阻。早促回程。綵衣
相對舞。

花心動

春景

阮逸女

仙苑花濃。小桃開。枝枝已堪攀折。乍雨乍晴。輕暖輕
寒。漸近賞花時節。柳搖臺榭。東風軟。簾櫳靜。幽禽調
舌。斷魂遠。閒尋翠徑。頓成愁結。此恨無人共說。還

立盡黃昏。寸心空切。強整綉衾。獨掩朱扉。枕簟為誰
鋪設。夜長更漏傳聲。遠紗窈窕。映銀缸。明滅。夢回處。梅
梢半籠淡月。

賀新郎

送太守

平江妓

春色元無主。荷東君。着意看承。等閒分付。多少無情
風浪。又那更蝶欺蜂妬。算燕雀。眼前無數。縱使簾櫳
能愛護。到如今。已是成遲暮。芳草碧。遮歸路。看看
做到難言處。怕見仙郎。旌旗輕易歌襦袴。月滿西樓。

詩餘

今女史卷十二

絃索靜雲蔽。岷城閩府便。任他一帆輕。舉獨倚闌干。
愁碎慘。玉容淚。眼如紅雨去。與住兩難訴。

新刻古今女史卷十二終

